

ADAKAH MELAYU NEGERI ANTARA BANGSA-BANGSA? MELAYU IALAH BANGSA BUKAN KAUM

Udara siyasah Tanah Melayu makin buruk. Polisi British merupakan bawah parti-parti siyasah berlaga.

Percubaan hendak melenyapkan bangsa Melayu dan agama Islam telah timbul dengan ceroboh kongres tajaan UMNO – M.C.A membuka peluang kepada rakyat. Rancangan kemerdekaan dan cara mencapainya akan diperbincangkan. Pemuda-pemuda Melayu mesti bertanggungjawab. Raja-raja Melayu dan pemimpin-pemimpin agama jangan leka.

(Oleh Abḥam)

Kedudukan Buruk

Keadaan siyasah Tanah Melayu, sedang berupa semakin buruk di dalam peredaran masa yang penuh dengan berbagai gerakan dan percubaan berbagai cita-cita sendiri, sementara pihak pemerintah pula sedang bergerak, dengan caranya, negeri yang mempunyai berbagai cita-cita sendiri, sementara mengikut polisinya yang tertentu. Sebahagian kaum-kaum dagang, sedang mengambil peluang dengan keadaan masa, mencerahkan cita-cita mereka di Tanah Melayu ini dengan berleluasa dan berterus-terang, walaupun di antara perbuatan-perbuatannya itu menyentuh perasaan suatu pihak yang lain, yang berhak di atas segala-galanya dari mereka di Tanah Melayu ini.

Semboyan demokrasi dan hapuskan perasaan perkauman, adalah menjadi pujaan mereka di dalam melancarkan sebarang cita-cita mereka yang penuh mengandungi muslihat dan tipu daya itu.

Dengan menggunakan demokrasi dan seruan buangkan perasaan perkauman, kaum-kaum dagang itu berasa bebas mendakwa dan bersuara apa sahaja maksudnya. Gerakan dan perjuangan orang-orang Melayu kerana merebut kemerdekaan Tanah Melayu ini sedang dicemburui dan diburuk-burukkan. Kebetulannya ada pula di antara orang-orang yang bersifat bermuka-muka sedang bekerja keras sebagai perkakas

di dalam usaha menggalangkan kecergasan pergerakan pihak Melayu menuju kepada kemerdekaan itu dan telah memberi peluang kepada sebahagian kaum dagang itu menguatkan suaranya dan menjadi penyokong mereka. Penyokong-penyokong ini pun ada mempunyai muslihat mereka sendiri. Dengan demikian menjadikan kumpulan ini suatu puak yang berdiri ditengah jalan perjuangan bangsa Melayu dan menjadikan udara siyasah Tanah Melayu begitu buruk.

Tetapi yang demikian, harus menjadi suatu rahmat kepada perjuangan Melayu kerana, rakyat amnya dapat melihat sekarang siapa yang mengacu dan siapa yang menjadi perkakas dan rakyat adalah berdiri di sebelah yang benar dan pihak Melayu akan mendapat sokongan rakyat kerana perjuangan itu ialah perjuangan rakyat untuk rakyat.

Polisi British

Pihak British, sambil mendakwa akan memberi kemerdekaan Malaya, adalah meletakkan syarat yang besar iaitu rakyat Malaya hendaklah bersatu padu lebih dahulu di dalam pada itu dipertakut-takutkan pula dengan kata-kata sekiranya Malaya diberi kemerdekaan sekarang, nescaya tumpah darah akan berlaku. Dengan demikian menguatkan helah bahawa mereka tidak boleh meninggalkan Malaya hingga kepada masa yang tiada diketahui.

Puak pengganggu perjuangan rakyat itu, telah mengangkat diri mereka sendiri (bukan diangkat oleh rakyat)

menjadi wakil rakyat. Mereka berkehendak kemerdekaan itu diserahkan ke tangan mereka. Yang sebilangan kecil itu, bukan ke tangan rakyat. Dengan mengangkat diri sendiri sebagai wakil rakyat dan menuntut supaya kemerdekaan diserahkan ke tangan mereka. Rakyat bukan sahaja tertinggal tetapi tertipu.

Pihak yang sedar di dalam hal ini melihat cara tipu daya itu dan inilah menyebabkan ada berpihak-pihak. Hanya mereka yang terpengaruh dengan muslihat tipu daya itu dan yang mempunyai muslihatnya sendiri dengan tidak menghiraukan di mana perdiriannya dan bagaimana tarafnya, itulah yang menyertai pihak mereka dengan yang lain adalah mengutuk dan berdiri tetap di sebelah rakyat. Demikianlah terjadi berpecah-pecah dan berpihak-pihak – suatu perkara yang lebih dahsyat dari perkauman. Tetapi itulah polisi “memecah-mecah dan memerintah” sedang menunjukkan buahnya.

Menafikan Bangsa Melayu dan Islam

Menambah dahsyat kepada yang dahsyat, baru-baru ini di dalam majlis mesyuarat negeri Perak, seorang wakil yang tidak rasmi telah mencadangkan syor melarang pertubuhan-pertubuhan perkauman dan agama mengambil bahagian di dalam pilihan raya bagi majlis mesyuarat bandaran dan negeri Perak yang akan diadakan kelak. Syor itu, sudah nyata ditujukan kepada pertubuhan UMNO dan rakannya M.C.A serta pertubuhan-pertubuhan agama Islam.

Syor ini mempunyai cita-cita yang amat dalam dan buruk terhadap bangsa Melayu dan agama Islam. Sama ada UMNO pertubuhan perkauman atau tidak adalah soal lain tetapi yang buruknya di dalam syor itu yang pertama adalah ditujukan itu ialah UMNO dan pertubuhan-pertubuhan Islam. Dengan berbuat demikian dan dengan mengetahui bahawa pertubuhan UMNO itu ialah pertubuhan Melayu, pencadang dan penyokong syor itu telah memandang orang-orang Melayu sebagai suatu kaum di negeri ini bukan sebagai

sesuatu bangsa yang mempunyai kebangsaan dan negaranya sendiri. Perbuatan ini adalah suatu kecerobohan atas kehormatan bangsa Melayu sebagai suatu bangsa. Yang demikian adalah mereka meletakkan taraf bangsa Melayu sama dengan mereka yang berdagang di negeri ini. Melarang pertubuhan UMNO dan pertubuhan-pertubuhan Islam mengambil bahagian di dalam pilihan raya itu adalah serupa seperti mengharamkan wujudnya pertubuhan-pertubuhan itu di negeri ini. Akan tetapi yang lebih buruknya ialah melarang pertubuhan bangsa Melayu dan pertubuhan agama Islam mengambil bahagian di dalam pilihan raya itu samalah seperti melarang bangsa Melayu dan kaum Islam mengambil bahagian di dalam pentadbiran negeri ini, negerinya sendiri. Tiadalah ada suatu pertubuhan yang lebih melanggar undang-undang dunia seperti ini. Bangsa Melayu dan agama Islam bukan sahaja dipandang sampah bahkan hendak dilenyapkan sama sekali dari negeri ini dengan syor yang seumpama itu. Tetapi itulah suatu syor yang terbit di dalam majlis mesyuarat negeri Perak yang beraja Melayu dan beragama Islam. Kalau bangsa Melayu dan kaum Islam rakyat negeri Tanah Melayu ini sudah tidak hendak dibenarkan mengambil bahagian di dalam pertadbiran negeri ini, manakala pilihan raya itu ialah cara memilih yang demokrasi bagi wakil-wakil rakyat ke dalam majlis mesyuarat yang mentadbir kerajaan negeri itu, ke manakah hendak diletaknya bangsa Melayu dan agama Islam itu?

Bukan Negeri *International*

Tanah Melayu bukanlah negeri antara bangsa-bangsa (*International*) yang mesti dinafikan bangsa Melayu dan agamanya sama sekali. Melayu ialah suatu bangsa yang mempunyai negaranya sendiri, rajanya sendiri, adat resam dan agamanya sendiri. Tanah Melayu ialah tanah bangsa Melayu yang tiada dapat siapa menafikannya. Bangsa-bangsa asing yang mengaku taat setia yang tiada berbelah bahagi ke negeri ini adalah diterima oleh orang Melayu sebagai rakyat negeri ini

dan yang lainnya ialah dagang jua. Dengan demikian tiadalah semua bangsa dagang itu rakyat negeri ini sebagai bangsa Melayu dan tiadalah percampuran penduduk dari berbagai bangsa itu di negeri ini, menjadikan bangsa Melayu tenggelam di antara bangsa-bangsa penduduk itu dan menjadikan Tanah Melayu ini hak bersama antara semua bangsa penduduk itu.

Akan tetapi syor yang melarang ahli-ahli pertubuhan bangsa Melayu dan Islam mengambil bahagian di dalam pilihan raya di dalam negeri Melayu sendiri itu adalah menafikan hak bangsa Melayu dan menjadikan Tanah melayu ini sebagai negeri *international*. Cita-cita yang halus lagi dalam yang ada di dalam syor yang diterbitkan di dalam majlis mesyuarat negeri Perak itu, harus boleh jadi sekiranya kedudukan raja-raja Melayu dan wujudnya majlis-majlis agama dan adat istiadat Melayu di negeri Melayu itu. Mestikah yang demikian berlaku?

Suara Rakyat

UMNO – M.C.A. akan mengadakan suatu kongres yang dijangka pada penghujung bulan Ogos kelak. Yang di dalamnya akan dijemput wakil-wakil segala pertubuhan kaum-kaum dan pertubuhan agama yang asal sahaja berdasar politik di Tanah Melayu ini mengambil bahagian. Kongres itu, sebagaimana yang difaham akan memperbincangkan di antara lain-lainnya ialah soal pilihan raya persekutuan dan susun pertadbiran kerajaan. Di sinilah peluang terbuka kepada rakyat negeri mengambil bahagian di dalam membentuk sebuah kerajaan Malaya merdeka dan cara mencapainya dengan segera dengan cara perlembagaan. Kongres inilah yang sebenarnya menjadi suara rakyat kerana yang mengambil bahagian di dalamnya ialah wakil-wakil rakyat daripada segala golongan manakala wakil-wakil itu dilantik oleh pertubuhan masing-masing kaum dan puak.

Rancangan kemerdekaan secara perlembagaan yang dibentuk oleh UMNO ialah menghasilkan pilihan raya persekutuan

di dalam tahun 1954. Pilihan raya itu bererti wakil-wakil yang tiada rasmi yang besar bilangannya bagi mesyuarat undangan persekutuan akan dipilih oleh orang ramai yang bererti dipilih oleh rakyat jelata. Manakala wakil-wakil itu dipilih oleh rakyat bermaknalah mereka adalah mewakili rakyat dan dengan terpilihnya wakil-wakil rakyat itu, mereka itu akan bersuara bagi pihak rakyat. Bagi diadakan kerajaan sementara bagi memindah kuasa – kerajaan peralihan – kelak sehingga kuasa penuh terserah di dalam masa yang ditentukan, mengikut kehendak rakyat.

Oleh yang demikian kongres tajaan UMNO – M.C.A itu adalah mustahak dan besar ertinya kepada rakyat dan mestilah diambil berat oleh segenap pihak rakyat. Negeri yang berkehendak mengambil bahagian di dalam menentukan nasib sendiri dan nasib negeri ini masa akan datang mensesiakan kongres itu pada pendapat saya bererti melepaskan hak bersuara dan tiadalah boleh disungutkan kepada sesiapa pun atas sebarang hal.

Tanggungjawab Siapa?

Sementara berbagai hal dan kejadian sedang berlaku di tanah air Melayu ini, yang menimpa dan menindih bangsa Melayu dan agamanya sebahagian orang-orang Melayu sedang tiada merasa sesuatu hal pun – tiada mengambil tahu. Mereka ialah orang-orang yang tiada mengambil tahu hal ehwal siyasah dan tiada mencampuri pertubuhan siyasah bangsanya. Mereka tiada berasa bertanggungjawab sama sekali. Mereka yang seumpama ini, apakah harga dirinya kepada bangsa dan tanah air?

Di dalam golongan pemuda-pemuda Melayu, masih juga didapati, di dalam masa Tanah Melayu ini hampir terbalik digoncang oleh berbagai-bagai muslihat dan di dalam segolongan pemuda yang berjiwa merdeka sedang bergerak ke hadapan. Kebanyakan pemuda-pemuda sedang sibuk dengan perkara-perkara *social club* dan pakaian-pakaian yankee-nya.

Sementara itu ‘alim ‘ulama masih sibuk dengan bertengkar-tengkar

(sambungan dari muka 6)

dan menyalahkan puak itu dan mekhawarikan puak ini

hatta ada yang menuduh yang lainnya tiada beragama dan sebagainya.

Golongan raja-raja, masih memandang serong dan cemburu kepada gerakan rakyat yang menuju kepada kemerdekaan negeri ini. Orang besar-besarnya sedang berusaha di antara sesamanya sambil mengepung dan menarik orang-orang yang dipandang setaraf dengannya dan pengampu-pengampu yang berharap nikmat daripadanya ke suatu lingkungan golongan atas untuk menindih yang di bawah.

Sekarang bangsa Melayu dan agama Islam sedang terancam dan gerakan mengancam itu telah berlaku dengan leluasa.

Adakah semuanya ini diambil berat dan dirasa sedih dan sakitnya tiadalah diketahui akan tetapi sekiranya raja-raja dan orang-orang yang berkетanggungan dalam agama, sebagaimana juga mereka yang banyak mengaku sebagai pemimpin bangsa tiada mengambil berat hal ini dan tiada berasa tanggungjawab, tiadalah diketahui siapakah yang bertanggungjawab di atas hal bangsa dan agama dengan sebenarnya.

hasil estet itu sendiri.

Juga penulis itu nampaknya lupa bahawa tanah itu di dalam pajakan beberapa orang – orang-orang yang memajak itu yang membenarkan orang-orang mendirikan rumah dan “mengambil faedah” atasnya sedang “tuan tanah” hanya menerima apa yang dipajakkan sahaja – mereka tidak tahu menahu dengan rundingan mendirikan rumah yang berjalan terus hingga sekarang bahkan rumah-rumah buruk di tepi jalan besar telah diganti dengan rumah-rumah baru di sebelah dalam sebab di tepi jalan diserahkan mereka kepada orang-orang Cina – siapa yang mendapat faedah?

Patut diingatkan bahawa tiap-tiap pemajak tanah itu pajakannya berhad kepada lima tahun – ertiya tiap-tiap lima tahun dibaharui. Dengan itu orang-orang yang mendirikan rumah-rumah di situ tidak ada perhubungan langsung dengan tuan tanah – mereka hanya berhubung dengan pemajak yang berhad kepada lima tahun itu sahaja. Dengan ini hendaklah tiap-tiap penulis jangan terus mendatangkan tuduhan bahawa semua waris tuan tanah itu hartawan kerana keadaan mereka banyak yang miskin – tidak dapat diharapkan kepada hasil yang diperoleh daripada tanah yang luas itu.

JUBILEE CAFE & RESTAURANT

771 / 773 North Bridge Road,

Singapore 7.

Selazat-lazat kedai makanan Islam di Singapura

Bersih rehat di bandar

Harga berpatutan layanan tertib

Briyani ayam dan kambing

Dan serba-serbi kari Islam

Boleh menyediakan kerana jamuan-jamuan

SILALAH KE JUBILEE

Tuan-tuan puan-puan: Uthmān dan Sultān

Telah berkata Siti Asmā’ binti Abī Bakr kepada Rasulullah (SAW): “Ibu saya, menyembah berhala, datang kepada saya meminta pertolongan, bolehkah saya menolongnya?”

Rasulullah menjawab: “jangan engkau putuskan perhubungan ibumu”.

(Bukhārī)

Jagalah kasih sayang bapamu, jangan engkau putuskan (kerana kalau engkau putuskan) nescaya Allah padamkan cahayamu, (yakni Allah jadikanmu hina).

(Bukhārī)